

Inatsisartut aalajagiiffigisassaattut siunnersuut Naalakkersuisut peqquneqassasut
Nunatsinni nioqqtissat akiisa OECD-imi inuussutissat naliginnaasumik akiisa
agguaqatigiisinnerinut naleqqiullugu nunatsinni qaffasippallaarujussuarnerisa sumik
tunngaveqarnersut misissussagaat. Misissuinerup malitsigissariaqassavaa
iluarsisoqarnissaanut kiisalu ungasinnerusoq eqqarsaatigalugu qanoq akit
appartinnissaannut siunnerfimmik aaqqisoqassasoq. Misissuineq UKA 18-imi
inatsisartunut saqqummiunneqassasoq innersuussutigineqarluni.

(Inatsisartunut ilaasortaq Per Rosing-Petersen, Partii Naleraq)

pillugu
siunnersuutip aappassaaneerneqarneranut

Inuussutissarsiornermut Aatsitassanullu Ataatsimiititaliap

ISUMALIUTISSIISUTAA

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Peter Olsen, Inuit Ataqatigiit, siulittaasoq
Inatsisartunut ilaasortaq Justus Hansen Demokraatit, siulittaasup tullia
Inatsisartunut ilaasortaq Nikkulaat Jeremiassen, Siumut
Inatsisartunut ilaasortaq Jens-Erik Kirkegaard, Siumut
Inatsisartunut ilaasortaq Knud Kristiansen Siumut
Inatsisartunut ilaasortaq Kelly Berthelsen, Inuit Ataqatigiit
Inatsisartunut ilaasortaq Per Rosing-Petersen, Partii Naleraq

1. Siunnersuutip imarisai siunertaalu

Nunatsinni nioqqtissat akiisa qaffasippallaarnerisa sunik tunngaveqarneri pillugit
Naalakkersuisut misissueqqullugit peqquneqarnissaanik siunnersuuteqartup
aalajangiiffigisassatut siunnersuutikkut matumani pineqartumi kissaatigaa. Nioqqtissat akiisa
OECD-imi inuussutissat naliginnaasumik akiisa agguaqatigiisinneri ilanngullugit
misissornejarnissaat aammattaaq kissaatigaa.

2. Siunnersuutip Inatsisartunit siullermeerneqarnera

Siunnersuutip siullermeerneqarnerani oqaaseqartunit siunnersuut amerlanerussuteqaqisunit taperserneqartoq Inuussutissarsiornermut Aatsitassanullu Ataatsimiititaliap maluginiarpaa. Siunnersuutip ilalerneqarnissaanut Naalakkersuisunittaaq tunngavissaqarsorineqarpoq.

3. Ataatsimiititaliap siunnersummik suliarinninnera

Siunnersuutip amerlanerussuteqaqisunit taperserneqarnera tunngavigalugu siunnersuut pillugu ataatsimiititaliamit naatsumik oqaaseqarfingineqassaaq. Inuiaqatigiinni ajornartorsummik tunngaviulluinnartumik aalajangiiffigisassatut siunnersuut uani pineqartoq imaqartoq siunnersuuteqartorlu assigalugu ataatsimiititaliaq isumaqarpoq. Kalaallit Nunaani inuiaqatigiinni ertiutit ilagaat akit qaffasittutut taaneqarsinnaasut. Pisiassanut nioqququtissanillu eqqussugassanik iliuuserisartakkat periuserineqartartullu pilligit nalunaarusiassami misissuivigineqarnissaai ilanngullugit ersarissaavigineqarsinnaappata, tamatumani akit qaffasinnerinik peqquttaaqataasorinarsinnaasut ilanngullugit misissuivigineqarnissaai suliarineqarsiinnaappat ataatsimiititaliamit iluarismaarneqassaaq. Suliassani misissuinissani Kalaallit Nunaani nioqququtinik tuniniaaviusuni iluanaarutit qaffassisusaasa Kalaallit Nunaani pissutsinut immikkut ittuunerinut naapertuunnersut ilanngullugit misissuivigineqarnissaat Naalakkersuisunit ilanngullugu nalilersuivigineqarsinnaappat Ataatsimiititaliamit iluarismaarneqassaaq.

4. Siunnersuutip aningaasaqarnikkut kingunissai

Aningaasaqarnikkut kingunissat pilligit siunnersuummi siunnersuuteqartup nassuaateqarsimavoq. Ataatsimiititaliap siunnersuummi naliliisimanermitt allaanerusumik nalilersuinissaq tunngavissaqartinngilaa.


5. Ataatsimiititaliap inassuteqaatai

Ataatsimiititaliap isumaqatigiittup siunnersuutip **akuersissutigineqarnissaa** inassutigaa


Ataatsimiitaliap taamatut oqaaseqaateqarluni isumaliutissiisummilu allassimasutut paasinnilluni siunnersuut aappassaaniigassanngortippaa.



Peter Olsen,
Siulittaasoq




Justus Hansen




Nikkulaat Jeremiassen




Jens-Erik Kirkegaard



Knud Kristiansen



Kelly Berthelsen



Per Rosing-Petersen